

容堂詩書畫印

張公者 著

五臺月夜

五臺清涼境，明月菩薩頂。

雲來月閉關，雲去月出定。

雁門關

雁門雄九塞，往來唯鴻雁。

雪灑恒山冷，一關隔胡漢。

烽煙費英雄，何事苦征戰。

昭君琵琶絃，勝彼大羽箭。

陸象山

先生意氣足，雄辯鵝湖會。

踐履貴平生，本心見君子。

人間無古今，大道行天理。

象山客客兮，永流金溪水。

嚴子陵釣臺

泱泱江水長，蒼蒼雲山遠。

不屈萬戶侯，高心棄軒冕。

羊裘庇身足，一竿江風晚。

富春多少山，釣臺稱絕巘。



河北出版傳媒集團
河北教育出版社



容堂詩書畫印

張公者
著

河北出版傳媒集團
河北教育出版社

目錄

印	畫	書	詩
89	43	11	1

容
堂
詩

書
畫
印

枝頭

枝頭鶯燕漫喧囂，一鷗孤飛在碧霄。
異世豈無知我者，百年風雨任今朝。

故鄉

首山橫翠黛，菊島卧清秋。
車行故鄉遠，回首暮雲愁。

平湖秋月

携手難忘西子遊，只今人去夢空留。
荷花滿眼同誰賞，獨坐平湖秋月樓。

題畫荷

筆底西湖翠葉披，秋風又是一年遲。
多情能庇雙鴛老，夢裏花開未有期。

歸舟唱晚

秋雁橫空帶日斜，歸舟唱晚羨漁家。
一杯佳茗餘佳興，花港歸來畫荷花。

月涼

一日思君一萬回，三千里外立斜暉。
月涼孤枕難成睡，空欲乘風駕夢歸。

讀青藤詩畫

寫意青藤是我師，明珠燦燦浪花拋時。
道人輸我今生幸，筆底煙波翠袖知。

冬荷

十畝池塘水半乾，西風零亂墮愁煙。
花開花落如人事，但有枯枝守歲寒。

題畫荷

清波十里雨絲絲，
蓮動微風弄舞姿。
并蒂荷花兩依倚，
殷勤畫與那人知。

題萬印樓

提刀原不爲封侯，
簞齋集古亦風流。
山房印譜煌煌在，
至今人說萬印樓。

月夜獨酌

玉露濕瑤臺，
人隨月徘徊。
獨酌愁無奈，
美人期不來。

己丑正月訪萬印樓不值

久仰陳簞齋，
心儀萬印樓。
十鐘山房裏，
將軍印在不。
我來拜將軍，
鎖鑰閉里弄。
千里悵然歸，
空留印人夢。

庚寅上巳蘭亭曲水流觴

書壇此王法，一法生萬法。
翰墨見風姿，蘭亭傳佳話。
遲來三千載，追想修竹下。

庚寅春經洛陽遊千唐誌齋

煌煌千唐誌，風雨歷千紀。
我過洛陽城，來借大唐氣。

參觀山鄉巨變清溪村有感

勿濁清溪清，請留清溪水。
山鄉氣本清，莫擾青竹翠。

遊天童寺

宿緣果有無，參禪天童寺。
磬音天上來，清涼佈一地。
俯首禮我佛，恍若悟玄理。
心靜可拂塵，來去皆無意。

夜遊千佛巖

茫茫大象山，千佛巖上卧。
悠悠青衣江，不受雲煙鎖。
繞山又一村，隔岸漁家火。
山形暮色中，佛光映天過。

陸象山

先生意氣足，雄辯鵝湖會。
踐履貴平生，本心見君子。
人間無古今，大道行天理。
象山峇峇兮，永流金溪水。

憶梅花塢

念君無限苦，難忘西湖雨。
問茶龍井村，携手梅花塢。

嚴子陵釣臺

泱泱江水長，蒼蒼雲山遠。
不屈萬戶侯，高心棄軒冕。
羊裘庇身足，一竿江風晚。
富春多少山，釣臺稱絕巘。

五臺月夜

五臺清涼境，明月菩薩頂。
雲來月閉關，雲去月出定。

敬亭山

山不過百尺，世人皆仰止。
不厭誦千年，一敬萬古意。

雁門關

雁門雄九塞，往來唯鴻雁。
雪灑恒山冷，一關隔胡漢。
烽煙費英雄，何事苦征戰。
昭君琵琶絃，勝彼大羽箭。

零陵山水間誦柳宗元《溪居》

世間簪組纍，真意幾人得。
瀟湘綠波清，好做山林客。

浯溪訪元次山故居不得

昔年往魯山，曾謁先生祠。
衰草漫高冢，忠骨尚可栖。
今我來祁陽，片瓦亦無遺。
但有摩崖文，巉巖映浯溪。
湘水滔滔去，日月垂光輝。
元公家國心，悠悠天地知。

松江尋董其昌遺迹不得

四百年來筆一枝，畫禪室裏幻神奇。
姦驕却使鄉民怒，難覓松江舊屋池。

壬辰夏與鄭雪峰大雨中訪愚溪

小潭水渾渾，高祠草萋萋。
柳子行吟處，風雨唱竹枝。
水急石不見，清流安可期。
且待天霽時，再來訪愚溪。

壬辰八月十五日晨由北京往美國，美國
中部時間八月十五日晨至芝加哥

一日兩中秋，泠然半日行。
同是一輪月，可是一般明？

容
堂
詩
書
畫
印

集《論語》聯 135cm × 33.5cm × 2 紙本 2012年
釋文：克己復禮；以友輔仁。壬辰夏，容堂張公者。

克己復禮

以友輔仁

壬辰夏容堂張公者